

夏日遊記

學習範疇：語言理解

學習目標：

- 幫助理解故事，並回答相關問題
- 提昇高階語言及思維技巧，並回答延展性問題

所需物資：

- 故事繪本《哈利海邊歷險記》
- 附頁的「問題範例」



方 式：

- 成人應先了解繪本圖書《哈利海邊歷險記》中的情節內容，包括插圖及文字，並參閱「問題範例」。

階段一：故事內容

- 在初次閱讀時，先幫助兒童理解故事的關鍵內容，包括：時間、地點、主角、起因、經過、結果。成人可以指出圖片配合動作展示來講解，亦可以加入玩偶、物件等道具，一起扮演相關的情節及對話以幫助理解。同時可以透過問答，或者隨兒童帶領自由討論，逐一探討關鍵內容。
1. 向兒童展示繪本圖書封面、介紹書名，並可以按興趣對封面插圖稍作討論。（如：「封面畫咗啲咩？」、「你估吓個故事講咩？」）
 2. 成人以口語說故事，鼓勵兒童留心看圖畫及聽故事，期間回答有關問題。
 3. 每說完兩至四頁故事，可以稍作停頓，參閱「問題範例」，挑選兩至三條問題，就故事的圖畫及內容向兒童提問。例如：「哈利好鍾意去邊度？」

4. 把兒童的回應擴展成完整句子作回饋。例如當兒童回答說「海邊」，成人可以說「嗯！哈利好鍾意去海邊。」

階段二：延展思考

- 當兒童能理解故事的基本情節，便可以進行延展性的討論，引導思考及幫助連結故事及生活經驗。
- 例如問：「太陽眼鏡同普通眼鏡有咩唔同呀？」

注意事項：

- 「問題範例」中有內容性及延展性兩類問題。
- 若兒童的理解能力較弱，建議成人集中發問內容性的問題。
- 延展性問題旨在訓練兒童的推理、解難、類化、假設等能力，成人可鼓勵兒童一起動腦筋，想出更多可行的答案，透過討論豐富經驗。若兒童對故事的理解能力較高，對與內容有關的問題已有充分的掌握，成人發問時可增加延展性問題的數量，進一步提升兒童的語言推理能力。
- 共享閱讀能提昇兒童對讀的興趣及聆聽理解能力。成人應多用讚賞的態度，不應只著重考問及答案的對錯，以鼓勵兒童繼續聽故事及嘗試回答。同時成人可以在提供語言刺激，解釋情節和示範回答。
- 把兒童的回應擴展成完整句子作回饋，可以幫助提昇他們的表達能力。

此教材參考自協康會《聽說讀寫小寶盒》。

學習範疇：語言理解

問題範例

請參考教案的建議，按照階段挑選部分的問題來進行活動。

◇ 內容性問題

◆ 延展性問題

P.1-5 「哈利是一隻有黑點的白狗.....跟著她走.....」

- ◇ 「哈利個樣係點㗎？」 (白色毛、有黑點)
- ◇ 「哈利好鍾意去邊度？」 (海邊)
- ◇ 「點解哈利想搵一個陰涼嘅地方躲起來？」 (因為個太陽又大又熱)
- ◇ 「點解要趕哈利走出主人嘅太陽遮呀？」 (因為太陽遮太迫)
- ◆ 「狗係點㗎？有啲咩特徵㗎？」 (有四隻腳、有尾巴、會「汪汪」叫、鐘意吃食骨頭、會幫人看門口.....等)
- ◆ 「哈利係佢主人嘅寵物，咩係『寵物』呀？」 (喺屋企養嘅動物)
- ◆ 「仲有咩動物可以做寵物呢？」 (貓、雀仔、烏龜、倉鼠、兔仔.....等)

P.6-7 「可是，胖太太好兇.....這位太太被哈利弄得好煩。」

- ◇ 「邊個好惡呀？」 (肥太太)
- ◇ 「肥太太同哈利講咩呀？」 (「走開啦！」)
- ◇ 「肥太太覺得哈利點呀？」 (好煩)
- ◇ 「肥太太頂帽插住咩呀？」 (一朵花)
- ◆ 「太陽眼鏡同普通眼鏡有咩唔同呀？」
(太陽眼鏡係戶外活動時戴嘅，可以遮住少少陽光，而普通眼鏡係平時戴嘅，遮唔到陽光；太陽眼鏡嘅鏡片係深色嘅，而普通眼鏡嘅鏡片係透明嘅)
- ◆ 「除咗太陽眼鏡之外，仲有啲咩嘢係好曬嘅時候可以出街㗎？」
(帽、傘子、太陽油.....等)

P.8-9 「太陽好大.....還蓋住牠的頭。」

- ✧ 「哈利喺邊度坐低呀？」 (海邊)
- ✧ 「點解哈利坐咗喺海邊呢？」 (因為佢覺得好叻)
- ✧ 「有咩嘢由哈利背後捲過嚟呀？」 (大海浪)
- ✧ 「喺圖畫度海上有啲咩呀？」 (有一隻輪船、有一個人躺在浮牀上面)
- ◆ 「如果唔識得游水，可以帶咩去游水就唔會浸親呢？」
(水泡、水袖、浮板.....等)
- ◆ 「喺沙灘或者海邊玩嘅時候，點先可以避免俾海浪沖到？」
(望住啲浪，唔好行得太出)

P.10-11 「大海浪走了以後.....快上岸啊！」

- ✧ 「哈利嘅身體被咩包住呀？」 (一團海藻)
- ✧ 「哈利望落去好似乜嘢呀？」 (一隻由海底冒出來嘅怪物)
- ✧ 「有個女孩子見到哈利向住佢游過嚟，個女仔點做呀？」 (大聲叫救命)
- ✧ 「邊個吹哨子叫大家快啲上返岸呀？」 (救生員)
- ◆ 「救生員負責做咩㗎？」
(留意泳客安全、落水救番浸親嘅人上嚟、幫遇浸親嘅人做急救)
- ◆ 「除咗沙灘度有救生員之外，仲有咩地方會見到救生員呢？」 (泳池)

P.12-13 「所有的人.....哈利繼續朝人多的沙灘跑去。」

- ✧ 「點解哈利覺得又涼快又舒服？」 (因為佢身上披咗一層冰涼嘅海藻)
- ✧ 「點解哈利向住沙灘嘅方向跑去嘅？」 (因為佢想找回主人)
- ✧ 「有幾多個人見到哈利呀？」 (三個)
- ✧ 「點解哈利聽唔到啲人講咩嘢嘅？」 (因為佢嘅耳朵入咗水)
- ◆ 「哈利嘅耳仔入咗水，如果我哋嘅耳仔入咗水，點算呀？」
(將頭側向一邊，輕輕地搖頭或跳幾次，然後用毛巾吸乾流出來嘅水)
- ◆ 「冰涼濕笠笠嘅海藻令哈利覺得好涼快，我哋又有咩方法可以令自己覺得涼快啲呢？」 (穿少啲衣服、開風扇、開冷氣、撥扇子、食雪糕.....等)

P.14-15 「到了那兒.....就跑走了。」

- ✧ 「哈利去到邊度就停低腳步，四周圍望呀？」（沙灘）
- ✧ 「沙灘上嘅太陽遮都係點樣㗎？」（打橫一條條紋 / 有橫紋）
- ✧ 「邊個喺沙灘度見到哈利呀？」（兩個巡邏嘅叔叔）
- ✧ 「嗰兩個巡邏嘅叔叔嘅衣著係點㗎？」（綠色衫褲、綠色帽、黑色皮鞋）
- ◆ 「去沙灘除咗游水之外，仲可以做咩？」（曬太陽、拾貝殼、玩沙.....等）
- ◆ 「如果我哋曬太陽曬得太耐，會發生咩事㗎？」
（覺得皮膚好熱好痛、皮膚變紅變黑、甩皮）

P.16-17 「哈利跑去看每一個遮陽傘.....把牠送到水族館去！」

- ✧ 「哈利發現沙灘上嘅人都係點㗎？」（戴草帽同太陽眼鏡、塗晒太陽油）
- ✧ 「哈利除咗用眼睛四圍望去搵主人一家外，仲有用咩方法搵主人呀？」
（用鼻不停地聞味道）
- ✧ 「嗰兩個巡邏嘅叔叔攞咗個咩㗎呀？」（大垃圾桶）
- ✧ 「佢哋想將哈利送去邊度呢？」（水族館）
- ◆ 「太陽油有咩用㗎？」（防止曬黑和曬傷皮膚）
- ◆ 「水族館入面有咩海洋生物睇㗎？」（魚類、水母、海星、海獅.....等）

P.18-19 「他們兩人從哈利的背後.....垃圾桶由上往下」

- ✧ 「嗰兩個巡邏嘅叔叔喺哈利嘅邊度呢？」（背後）
- ✧ 「巡邏叔叔準備做咩呀？」（用垃圾桶套住哈利）
- ✧ 「哈利聽到咩？」（有人叫佢嘅名字）
- ✧ 「沙灘上其他人喺度做咩呀？」（企埋一邊睇下發生咩事）
- ◆ 「除咗用大垃圾桶套住哈利呢個方法之外，仲有咩其他方法可以捉住哈利呢？」（用食物引佢、用網捉.....等）
- ◆ 「有啲咩廢物係可以進入回收箱㗎？」（報紙、雜誌、膠樽、鋁罐.....等）

P.20-21 「哈利向前跑.....哈利只是一股腦的跑向前方。」

- ✧ 「點解捉唔到哈利嘅？」 (因為牠向前跑，啱啱好從垃圾桶下面逃走了)
- ✧ 「嗰兩個巡邏叔叔點樣呀？」 (呆到擘大個口)
- ✧ 「其他人又點呀？」 (有啲尖叫、有啲好快咁跑、有啲一邊尖叫一邊跑)
- ✧ 「呢度一共有幾多隻雀仔呀？」 (四隻)
- ◆ 「沙灘度啲人好快咁逃走，仲有啲咩情況我哋係要逃走呀？」
(火警、有危險時、玩捉迷藏.....等)
- ◆ 「如果你係一個喺沙灘上嘅小朋友，你會講咩呀？」 (自由發揮)

P.22-23 「哈利跑到賣熱狗的小店前面.....牠高興得又叫又跳」

- ✧ 「哈利跑咗去邊度呀？」 (賣熱狗嘅小食店前面)
- ✧ 「哈利之前聽到有人叫佢個名，其實係邊個嘅叫聲？」 (老闆)
- ✧ 「賣熱狗嘅老闆喺度叫咩呀？」 (好熱！好熱！好熱！好味嘅熱狗！)
- ✧ 「點解哈利對住賣熱狗嘅老闆開心到又叫又跳呢？」
(因為牠以為老闆叫佢)
- ◆ 「熱狗係點樣整㗎？」 (將一條香腸夾喺熱狗包中間，然後擠啲茄汁)
- ◆ 「熱狗好熱，如果我想要食啲凍嘅嘢，可以買咩呀？」
(雪糕、雪條、汽水.....等)

P.23尾-25 「由於跳得太過火了.....牠當場跳起舞來。」

- ✧ 「哈利跳得太犀利嘞，有咩事發生呀？」 (牠身上嘅海藻滑了下來)
- ✧ 「哈利見到邊個向佢跑緊過嚟呀？」 (牠嘅主人 / 兩個小朋友)
- ✧ 「哈利嘅小主人同哈利講咩呀？」 (「哈利！我哋聽到你嘅叫聲！
我哋四圍搵你呀！」)
- ✧ 「賣熱狗嘅老闆嚇到跌咗啲咩落啲沙度呀？」 (熱狗、碟子、夾子)
- ◆ 「如果你係賣熱狗嘅老闆，跌咗熱狗、碟同個夾落啲沙度，你會點做？」
(將熱狗執起，扔落垃圾桶，再將碟同夾執番起洗乾淨)
- ◆ 「頭先哈利同主人失散咗。如果我哋要帶狗去街，點樣可以避免走失呢？」

(幫隻狗戴番狗帶、拖實佢牠、抱住隻狗、把隻狗放

喺袋度.....等)

P.26-28 「因為哈利吸引了好多人過來.....也難不倒他們。」

- ✧ 「點解熱狗店老闆咁高興呢？」 (因為熱狗全部都賣晒)
- ✧ 「熱狗店老闆同肥太太送咗啲咩俾哈利呀？」 (漢堡包同一支嘢飲)
- ✧ 「兩個小朋友帶哈利去邊度呀？」 (去搵佢哋嘅爸爸媽媽)
- ✧ 「新個把太陽遮係點呀呢？」 (有黑點嘅白遮，好似哈利咁)
- ◆ 「點解肥太太話哈利係一隻『熱狗』呀？」 (因為佢係一隻覺得好熱嘅狗)
- ◆ 「點解以後哈利都唔駛再驚喺沙灘度搵唔到佢嘅主人呀？」
(因為佢主人嘅太陽遮好特別，同其他遮唔同，好容易就認得到)

此教材參考自協康會《聽說讀寫小寶盒》。